

Jongöreŋ Kimbi 2

Jonöŋ Kimbiŋi aliga 2 ahök.

Jim-asa-asari

Buŋa Kimbi kiangö tonji yaŋön nanni qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumelenŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömŋina. Buŋa Kimbigö keu töröpŋi kiaŋön jöpaköm aŋgubingöra uru kungum neŋgimakza aka böhi takapulakaŋi yeŋön ambazip kusum eŋgigetka keuŋinan sehibapukö galöm meme keuya akza.

Buk kiangö bahöŋi bohonŋi 4 mi kewö:

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötni bohonŋi 12-13

¹ O ambi sorok!

Anutunöŋ möwölöhöm gihiiga urumelenŋ könagesöurupki galöm köl eŋgiba kinjan. Nöŋön inini keu ölnaŋgö dop uru könömnan jöpaköm eŋgimakzal. Nanök qahöpmö, ambazip keu ölni möt kutuzei, körek yeŋön mönö mewöyök inini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal. ² Keu ölnan urunine kinja aka nembuk teteköŋi qahö ahöm öŋgöma. Nöŋön Buŋa keu miaŋgöra aka jöpaköm eŋgizal.

³ Nini keu ölnji wuatangöba urunöŋ jöpaköm anguba maljin ewö, Iwi Anutu aka Iwigö Nahönŋi Jisös Kraist yetköŋ mönö ak kömumba kalem möriam neŋgiyohotka luainöŋ malbin.

Urukalem aka keu ölnji mi mohotŋe wuatangöme.

⁴ Iwinöŋ urukalemgö jöjöpaŋ keuŋi neŋgiyöhi, miangö dowök göhö könagesöurup tosatŋan keu ölnjanö dop ahakmemenini aka memba malje. Nöŋön silikŋini mewöŋi ekiga sösöŋgai ketanji ak niŋgimakza. Mewö.

⁵ *O wölböt alani ambi ketanji, nalö kewöŋe jöjöpaŋ keu ohom gihizali, mi keu dölöknji qahö. Keu könakönahinŋeyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm anguba malbin. ⁶ Jöpaköm anguba malbingö keuŋi jizali, miangö ölnji kewö: Nini mönö Anutugö jöjöpaŋ keuŋi pampak tem köla ahakmemenini ak memba malbin. Körek enöŋ jöjöpaŋ keu könakönahinŋeyök möta malgeri, mi kewö: Inini mönö uruŋinan jöpaköm anguba malme.

⁷ Isimkakalek ambazipnöŋ Jisös Kraistköra kewö jim miwik-ŋaimakze: “Amötqeŋe Tonjan gölme azi silebuk asuhumangö osiyök.” Mewö jim miwikŋaiba tilipqilip aketka enololon asuhumakza. Ambazip isimkakalek mewöŋi mi Kraistkö salupŋe kinda tuarenjöŋ ak wanŋimakze. Ambazip mewöŋi gwötpukŋan lök gölmenji gölmenji liliköba lan anda kaba malje. ⁸ Neŋön urugö nup meinga ölnji uruŋine asuhuyöhi, mianjöŋ sohoba pömsöm qebapüköra mötzal.

* 1:5: Jon 13.34; 15.12, 17

Miangöra isimkakalek ambazipnön enjololon ak engibepuköra mönö galömñini mem anğuba malme. Mewö malgetka urunjanğö ölnan qahö sohoiga Kembunön towañini körek engim teköma.

⁹ Kraistnön keu kusum nenğiyöhi, kunñan mi qahö qekötahözapmö, mi onğita keu toroqeiga lolonqalon jimakzawi, yañon Anutunji qahö. Denike yeñon Kraistkö Buña keune qekötahözei, yeñon mönö Iwi aka Nahön yetpuk köhöiba malje. ¹⁰ Kunön Buña keu jömukñi mi qahö memba engören kazawi, inini mönö yağö jölönji kude jiba miriñine kude örögetka öngöma. ¹¹ Kunñan yağö jölönji jimawi, yañon mönö bölönamñanğö lömbötñi öröi qakñe öngöiga örörön bisimahot. Mewö.

Keu teteköñi

¹² Nönön engöra keu sehisehiñi ohomamgö sihimñi mötzalmö, mi papia sinñe inknön ohomamgö qahö möta mosötzal. Engören kujuk kaba mesohol köla keu eraum mötpingö mamböta jörömqöröm akzal. Aitonğöbini, nalö miangören köisirik tata eraum möta sösöngainini körek ahum teköba urunini kokolak qeiga malbingö mötzal.

¹³ Anutunön ambi alagi galöm nupköra möwölöhöyöhi, ambi sorok yağö könagesöurupñan yaizözkökñini algetka göhören kaza.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020

c0871260-68cc-5a50-953f-52200e105d1e